



-Pamebhamɛ

"Nimlɔɔ : 18

"Tiëdhe "Su

-Kwɛ 2007

"Su -bha 'sëedhe -mü "Gwɛetaawo

'WɔN -TAɔNG -MA 'GÜ 'SËEDHE

-Bhawɔn 'to dhe 'ö dho -Pamebhamɛ -wo pö -mɛ -nu "piü

-Pamebhamɛ 'ö -kë
nao -ma 'gü 'sëedhe
'ka, -a -wo pö -mɛ -nu
"pɛpɛ, -dhe =ya =kpao
ka -bha -ee ? Ka
nuwɛ yë -bha mü. Kö
ka -kɔwɔn -yö dhi
bha 'aa -yë kë ?

Yi dheebhang -nu
ka -dho yi -bhawɔn

'to- 'sëedhe ya -a "dhiü
'ö kë 'gbaannu bha-
-wɔn 'gü. -Yö kë -sü yë
-kë 'ka -kwɛɛ -nu -bha
see- 'ö 'wo kë wo =në-
-nu -bha. "Kɛɛ Atanna
'saa- 'gü 'wɔn =gbaan
yö 'ko "dhiü. Yö =në-
-wɔn 'gü 'yö 'ka -kpan
sië -Pamebhamɛ

"nimlɔɔ ya, -a -bha
bha. Yi 'dhang- bho
-sü -ya "dhiü =dhe 'ka
yi -bhawɔn 'to. =Dhe
kwa -wo -ya 'gü do
=dhe kwa -de -wo 'ö
bha kwa -dho "slë
mɔɔ- -a -bha kö -yö
'dho "dhiü.

=Ya 'go yö -zë -a
'gü, 'ö 'wɔn -së 'bha
'dhö ka -zo "piü kö
'ka- pö yi -dhe
-Pamebhamɛ "gbluu
"piü, -potaasü -yö ka
-go. -A "dhia -yö -dho
'ma yi 'gü. -A -gen -mü
=dhe -gleng 'yaa 'go
'gu do 'gü

Kwaa- =danwo pö "sɛ 'gü -wɔn

-Dhikodhe -troo



"Kunmana "gblügbü -nu 'wo -ya

-Kwɛ ya- 'ka (2007)
"kunmana "bhlëngnë
-kaɔng do ö ga do =në 'ö
'kwa- -nu =slɔɔ. Wo
=nɛ: "Maa "sɛ 'gü :
"Maadhe yaan- -bha
-dhe -bha -mü **Mane**
Abëdulayë 'ka.
"Lugwaadhe -bha -mü
"Seri Able 'ka.
"Sanggwinnng -dhe
-bha -mü **Okie =Kofi**
'Dhosië 'ka.

Gbiaangwinng "sɛ 'gü :
Gbiaangwinng -dhe
yaan- -bha -dhe -bha
-mü **Baoto Lui Gistavë**
'ka
-Gbɔng "dhiü -dhe
-bha -mü **Kobelan**
Dongo Emanie 'ka
'Siiploo -dhe -bha -mü
Diedie Gogwa Grögwa
'ka.
'Dannëng "sɛ 'gü :

"Dannëng -dhe yaan-
-bha -dhe -bha -mü
Kwame 'Bi Tibe
Wlobɛ 'ka
Maaploo -dhe -bha
-mü **=Kwaku Wita**
'Angzië 'ka.
-Zɔwɛɛn ("Zuaang
Uɛɛn) "sɛ 'gü :
-Zɔwɛɛn -dhe yaan-
-bha -dhe -bha -mü
Ala =Kwaku Leɔng 'ka.

Yö -zë "sɔdha
-mü.
-Bɛn Uɛɛn -dhe -bha
-mü **Zadi Flangsisü** 'ka.
"sɔdha -mü -a 'ka.
Teaploo -dhe -bha -mü
Komoe Esɔng 'ka.
Kö 'wɔn -së 'ö -kë kwa
-dhe -kwɛ -ya 'gü -a do
bha.

Kwaa- "Kɔdivuaa -sɛ 'gü -wɔn

'Wɔn -siö 'ö- wo -kɔɔyi -dhe 'Biya

"Kwi -a "su 'ö -kë 'Utö 'ka
bha, -a -dhekpaaɔyi -kaɔng do
ö ga "saɔdo bha, =weeyi
(-kɔɔyi) -yö kë -pa yaa wo
gbeng do 'gü "kwannng- -dhe
'ö -kë **'Pɔɔ 'Bue** 'ka 'ö 'viɔngso
-dhe 'dhö- 'gü bha- 'gü. -Dhe

bha -yö -kɔɔyi "dhiü. -Aga,
gbeng bha- 'gü, 'yö "yi bha 'ö
-kan mɛ -nu 'gü mü. 'Kɔ -nu
'wo gun "yi "dhiü bha 'yö "yi
'ö- -nu -kaɔng do sü (10).
"Kɛɛ -Zlaan nuwɛɛ, ga 'yii kë
bho



"Kpvnngtaadhε -wɔn

"Sε -bha =zii 'ö wo Peru

Peru "sε bha -yö -ya -sü
'ka =Dhamlεεkεεn -dhε -gɔ
"sia- =yën. "Kwi "puu -nu
waa- Engdien -nu =në 'wo-
'gü -mε -nu 'ka. 'Utö
-dhekpaöyi -kaong
do ö ga "sɔɔdhu bha- 'ka
-tɔ -dho 'kɔɔdhö "tüng bha-
'gü, 'yö "sε 'dhö =zii -a 'pö-
-nu 'wo- -nu -dhε Pisko,
Ikaa waa- Siensia, -a -nu 'gü.
'Pö- -nu bha -wo Peru -bha
'pö- 'kpüi- 'ö -kë Lima 'ka -a

-gɔ 'në 'bha =gblεen, -yö
-ziö "kidhung këng =plε -ta.
"Pεen -nu 'ö 'wo bha, -tɔn
waa- -dhëngga =gblen
=gblen =në 'wo mü 'gbε. 'Mε
-nu 'ö -nu -bha 'kɔ -nu 'wo
wü -wo -ziö mε "gblü këng
do ö -kɔ "saɔplε(170.000)
-ta. 'Mε -nu 'wo ga -wo
-ziö mε këng "sɔɔdhu ö -kɔ
-yiisiö (540) -ta. 'Yö 'mε -nu
'wo =gii, 'wo -ziö mε këng
=plε -ta (2000).



-Kwaa 'gü ma 'ka =dhε "sε
bha 'wɔn "gbügbü -yö -kë 'ka.
-Kwε "gblü do waa- -kwε
këng "suesiö ö -kɔ
"saɔplε(1970) bha- 'ka, "sε
-yö kë -zii mü 'zü 'ö mε
"gblü -kaong
"sɔɔdhu(50.000) 'wo ga.

Mε =slɔɔ -pë -nu -wɔn

"Kɔdivua waa- Itali

"Kwi -a "su 'ö -kë
zue 'ka 'ö -ziö ya,
"sε 'bha 'wo- -dhε
itali, "kwi -naa "sε
'ka, -a 'gü -mε
-nu 'bha -wo kë
-nu kwa -gɔ yö.
-Wa -Pö =dhε
kwaa- 'banngkö -nu
bha, wënnng- -nu

woo yë kë wo
'kwëë-. -A
-wɔn 'gü, woo 'në
dhebë -nu -bha yëkë
-dhε do dɔ ; woo 'në
glɔɔn' -nu 'sü kö
-wo 'dho- -nu 'ka wo
-gɔ "sε bha- 'gü kö
-wa -nu draan-
'wɔn -së 'gbε -yë

'ka. Woo =badhong
-zuö -dhε =klang-
"kwanngdhε do -ya
yö. -A yë 'bha -nu
wo mü 'ö woo-
-nu kë. -A -nu =gban
-da 'kwëë -sü sɔnnng
-yö kwaa- 'wëë- ya,
-a "miliaa -kaongdo
(10.000.000.000).

Woo do bha =wa 'kɔ
"gblügbü këng =plε
waa- 'kɔ do (201) -yë
zü bho
Bënnngziεεvilö kwa
-gɔ yö. -Ya -nu "piü
'zü =dhε yë =gban
-yö yën "su -kaong
do ö ga "sɔɔdhu
"piü.

'Wɔn 'ö -gban -potaasü -wɔn -bha.

"Kɔdivua waa- Itali

"Kwi -a "su 'ö -kë
zue 'ka 'ö -ziö ya,
"sε 'bha 'wo- -dhε
itali, "kwi -naa "sε
'ka, -a 'gü -mε -nu
'bha -wo kë -nu kwa
-gɔ yö. -Wa -Pö
=dhε kwaa-
'banngkö -nu bha,
wënnng- -nu woo yë

kë wo 'kwëë-. -A
-wɔn 'gü, woo 'në
dhebë -nu -bha yëkë
-dhε do dɔ ; woo 'në
glɔɔn' -nu 'sü kö
-wo 'dho- -nu 'ka wo
-gɔ "sε bha- 'gü kö
-wa -nu draan-
'wɔn -së 'gbε -yë
'ka. Woo =badhong -

zuö -dhε =klang-
"kwanngdhε do -ya
yö. -A yë 'bha -nu
wo mü 'ö woo-
-nu kë. -A -nu =gban
-da 'kwëë -sü sɔnnng
-yö kwaa- 'wëë- ya, -
a "miliaa -kaongdo
(10.000.000.000).
Woo do bha =wa 'kɔ

"gblügbü këng =plε
waa- 'kɔ do (201) -yë
zü bho
Bënnngziεεvilö kwa
-gɔ yö. -Ya -nu "piü
'zü =dhε yë =gban
-yö yën "su -kaong
do ö ga "sɔɔdhu
"piü.

'Wɔn 'ö -gban troo -nu -bha mε wəkɔ -nu 'gü =Badhong

'Utö do 'ö -ziö ya 'ö
sü -a -dhekpəyi
"suesiö -bha 'ö yö-
'ka -a -kaɔng do ö ga
"sɔɔdhu -bha
=badhong -yö kē
-zuö 'Biya. "sɛgɔ
-yiisiö =nē 'ö 'wo kē
a -zuö. Wo -mü
nizieε, Buukana
Faso, Ganbi waa-
"Kɔdivua 'ka.
-Wa kē "dhü
=tɛdhɛng 'wo- dhε
Wlobεε Siangpru 'ö

Maakori kwa -gɔ
'Biya yö bha =nē-
-ta. =Dhε 'ö -kē =dhε
=tɛdhɛng bha, =waa
-pē -dee kē, =wa
'kpaa- -sē -dee ta -a
-ta bha, 'yö 'wo-
-dee 'gü nia" bho.
=Badhong -ziö
-kɔlookota 'kpīi- 'ö
"kɔdivua 'wo -dhε
'**Fifē** bha =nē- kɔ 'ö
gun 'wɔn bha- 'gü.
=Badhong suu 'dhε
'ö "dhü bha, -a -zuö

-kɔ -blɛsü
=nē gun bha. 'Nē -nu
'ö- -nu -kwε 'yii kē
=mɔɔ =kō
-kaɔng do ö ga
"saɔplɛ (17) -bha
=nē 'wo gun 'wɔn
bha- -bha. =Dhε 'ö
'wo- -zuö "dhü,
"sɛgɔ 'ö kē gɛnyɛn
yö -mü Ganbi 'ka.
'Kupē bha -wo kē-
-dhε **Gbagbo**
Loranng -a 'kupē.
'Mε 'ö 'kupē bha,

Ganbi -mε -nu 'wo
kē yö- =kwεε-, yö
-mü =minisi 'ö -kē
mε -gɔ -yɔɔn
'kwēē- =minisi 'ka
-gblü ya "yan =wlöö,
'ö -kē **Dano Diedie**
'ka bha, =nē- =kwεε-
.
Ganbi 'nē -nu -wo
kē 'bii- =plɛ =nē-
-da, 'yö Buukina
Faso 'nē -nu 'wo- do
bho.

"Yu -wɔ

=Ya "suü ö -de -a =geebē -gɔ.

Gɔndē do 'bha bha
-wa -dhε Kou"
-Gblukpayi. 'Mε bha
'yö =geebē "gbu- do
kun. =Dhε 'ö nu
'ka'yö ö bha 'kɔdhi
'gü -mε -nu -dhε
'ö- pö =geebē bha-
-dhε mε =gban "yan
"dhiü mü : << Boo

-glɛε, =ya kē =dhε kō
ma dhebē -nu -wo
dü kē, -a -nu zē. Ma
=nē 'a pö. Kö ma 'nē
-nu -wo dü kē, -a
-nu zē. Ma =nē 'a pö.
Kö n 'zlaa- 'ö -ya ya
waa- -bha dhebē -nu
-wo dü kē, -a -nu
=gban zē "pɛɛpɛdhö,

-a -dhiang 'to n
-gɔ.Kö mang -dede
'a dü kē, ɔɔ' ! ɔɔ' ! ɔɔ'
! -a 'dhε 'kö bha,
-nnnn ! >>

-Nnn -yö -to "dhi
kö- 'zlaa- -yaa Pö: <<
'Yö n =dhoo ! -mē 'ö
-kē -yö yö ü -bha,

'yö 'bhaa pö -yö ü
zē, 'yö 'ü- pö : ɔɔ' ?
-A pö -yö ü zē...>>

-Sakpa Bɛnaa

"Gwüŋg


<< "Yi 'yaa goo 'to. >> 'Kwa- pö "dhü kö kwa- -pö =dhε -kɔ do bha- 'gü, 'bha 'dho ü -de -wo 'to-.

Pē -Wlangda -sü

"Yu -to 'gü -wɔn 'sëëdhε

-Pamɛbhamε -wo pö -mε -nu, -ka ka baa-, kaa- 'sëëdhε do yöö zun "kpɛnng. -Wa -dhε "yu -to 'gü -wɔn
'sëëdhε

Pë "bin 'ö ya -a - ga -sê 'ka -A do -zë 'ka -dhε -yö "saga. -A -nu məə-



'Ka ka bo 'sëëdhε ya- -wo pö -sü 'ka, 'wən 'bha =ya kë ka -gə kö 'ka pö yi -dhε, -ka 'sëëdhε
kë kö 'ka bə. Yii- 'dresü -mü 08 BP 857 Abidjan 08 'ka. Tel. 22.43.12.72. / 08 18 08 88 / 06
39 04 88

'Mε -nu 'ö 'wo 'sëëdhε 'ö ya- -kë, wo -mü =Sai Zoziasü , "Dhəəgbö Zafe, =Kesı Məyan
Dhifəngsü, Valangten Vidrinö waa- Edhεna Pədhεkwälösökaya 'ö- -nu =gban =plε 'wo go
Dhusi 'ö -da "Anεsü 'ö ɣo 'Suisü . -a -nu 'ka.